

入存其性情而後
以聲調成爲詠歌於是乎

看詩故詩以道
不具而欲以如黃儷白雕


刻爲長雖工何益
六令娶於燕京望族高

氏寄泉先生女曰
事俯育以助其家脩又

以暇時筆墨相倡和
於夢東出其近作若干首

以示余余讀之見其溫厚和平之氣
不具懇摯頗近似

於杜少陵豈其曾少趨以
此哉蓋必以心之而與少陵



序

人有真性情而後抒寫之文之以聲調成爲詠歌於是乎
有詩故詩以道性情者也性情不真而欲以如黃儷白雕
刻爲長雖工何益矣余表甥樾村大令娶於燕京望族高
氏寄泉先生女曰佳耦焉旣能仰事俯育以助其家脩又
以暇時筆墨相倡和樾村見余於粵東出其近作若干首
以示余余讀之見其温厚和平之氣不具纏摯頗近似
於杜少陵豈其曾步趨於此哉蓋必身以心之而與少陵
翠微軒詩稿
忠君愛國之忱有相合者唯其有之是以似之而豈易得
之闢閣中耶至於氣格蒼勁無脂粉氣不具論論其詩之
所以能工者使與樾村將益勉之而異日哀然成帙當必
有以感發人之性情可傳於世者諒不至如好音之過耳
響盡而聲銷也是爲序同治丙寅季夏吳嘉善子登甫撰

敘

貞 幼承 先君口授毛詩三百篇嘗訓之曰詩貞淫正變

諸體皆備可以驗風土可以達人情有關治教宜勤習之
因學於詩稍長於織紵組紃之暇趨庭問字略涉史鑑觀
歷代賢婦人如敬姜德耀輩未嘗以才藻見長是知婦職
有在未敢專力於詩于歸後良人權權居庸身任井臼兼
之體弱善病鞠育爲勞去筆墨益遠間或有作率不逼思
家憶親藉抒其情而已迨 先翁棄養移寓昌平宦遊十

翠微軒詩稿

序

載惟餘兩袖清風嗣後寄住安昌又值椿萱萎謝池塘風
木觸境傷懷而詩興頽唐更少佳趣偶爾拈韻旋卽棄去
故存稿無多旣無足傳亦不必望傳也乙丑秋樂亭 史

香厓先生過訪 先君談次索觀疊翠軒詩稿謬蒙獎許

選入永平詩存若干首茲復檢 先父所嘗點定者抄輯

成帙略弁數語以誌生平之大概云爾

同治十三年歲次甲戌荷月下浣疊翠軒自識

題詞

天津樊 杉文卿

家學由來遠詩成柳絮工清才無俗調好句奪天功日下
傳高唱風前憶乃翁白頭吟興減細語愧秋蟲

又

唐代多詩人高適名最傳未聞有愛女嗣響著新篇及讀
彌勒讚高氏書深鑄卓哉閨閣秀姓字留簡編渤海本古
族閩閩高幽燕故居夜珠樓歷世出英賢 寄泉三世交
品學同青蓮懷中五色筆燦爛春華妍名門生淑女掌上

題詞

二

明珠圓謝庭工詠絮才不減惠連東牀得快婿靜好調琴
絃此唱而彼和鸞鳳鳴九天哀然成大集好句真如仙老
來誇眼福文豹得窺全詩學湖庭訓感舊涕淚漣留補名
媛傳不朽垂千年

題詞

豐潤魯 松香泉

刪盡風花月露詞淵源家學 父兼師性情真處有佳句
典故堆中無好詩恐著丹鉛污面目從教巾幗愧鬚眉采
風太史須揚扝文選樓高果屬誰

經史紛披富五車詞宗雅健氣清虛謳吟豈止諳唐律學
識真堪續漢書咏絮人誇才女句浣花誰問少陵居詩家
嫡派傳閨閣懶祭蟲雕總不如

達夫詩學紹唐初中壘經傳冠漢儒

謂樾村同寅

柳絮聯吟擬

題詞

兄妹椒花作頌獻翁姑隨心機杼回文錦抗手庭闈記事
珠如此清才如此福賢郎仁看到蓬壺

幽靜天懷滌俗襟精深理窟薄艱深家留黃絹傳蘿白帳
設青綾助藁礎論治堪登循吏傳著書足慰 阿翁心效
顰老我忘形穢流水高山一曲琴

題詞

八天賦

樂亭史夢蘭香厓

達夫老去幾經春喜見深閨有替人林下清標推詠絮謝家才媛本無倫

一編冰雪擅清辭知是鉛華洗盡時芍藥薔薇春雨句少游翻愧女郎詩

緘情五字託魚鴻藹藹仁言利不窮他日名登循吏傳傅

家治譜出閨中

昌黎道中東外數律藹然仁者之言爲牧令者皆當書爲座右銘

翠微軒詩稿

題詞

八聞巾幗勝鬚眉詩卷流傳不在詩題我一言堪愧甚青

綾障卷拜儒師

江西郭功叙芭田

詠絮庭前早著才三生慧業現靈胎玉梅高格水仙調不

着人間一點埃

絕無才調逞鉛華標舉性靈學作家羨煞奩前攜手讀可

人夫婿似秦嘉

骨肉情眞語可憐寄懷贈別倍纏綿吾鄉太史操閨選可

惜遺珠失此篇

謂蔡絛畫太史選
本朝閨秀一百家

南豐湯雲松鶴樹

東井江村後靈鍾不櫛才機絲摘錦繡翰墨灑瓊瑰謝絮
庭中詠潘花縣裏栽登堂他日拜蘭玉看滋培

孫椿林曉珊

君家三妹素能詩更得生花筆一枝萬斛明珠流筆底半
由家學半天資

寄懷贈別最多情洗盡鉛華字字清詠絮丰裁真不愧椒

翠微軒詩稿

題詞

二

花獻頌許齊名

由家學半天資

君家三妹素能詩更得生花筆一枝萬斛明珠流筆底半

我中精翻寫線裏殊登堂此日拜蘭玉看滋培

東井江村後靈鍾不櫛才機絲摘錦繡翰墨灑瓊瑰謝絮

庭中詠潘花縣裏栽登堂他日拜蘭玉看滋培

辭意養天

本朝閨秀一百家
南豐湯雲松鶴樹

翠微軒詩稿卷一

遷安高順貞德華

讀全史宮詞

閱遍興亡廿史中
眼光如炬氣如虹
褒譏別寓陽秋旨
遺意眞堪補國風

新柳

依依連灞岸
纔透幾分春
鴨綠籠烟淺
鶯黃蘸水均
黛眉遲舞態
青眼到行人
迷望虹橋畔
低垂一桁新

翠微軒詩稿

卷一

晚眺

極目層樓上
蒼茫落照微
斷雲含雨散
歸鳥破烟飛
遑樹疑檣列
殘星出塞稀
倚闌一聲笛
山月吐清輝

九月八日

兀坐疎燈畔
秋深覺夜涼
雁聲過紙閣
蟲語上苔牆
風竹敲寒月
霜花勒晚香
滿城天氣好
佳節近重陽

懷叔新兄

首夏分襟後
秋光荏苒過
歸期空悵望
何事屢蹉跎
風緊

雁聲渺天寒雪意多遙知客舍裏彈劍定高歌

寒夜與蘿洲兄圍棋

翦燭敲棋夜未闌吟肩頻聳耐宵寒橘成尙作林中隱柯
爛徒勞局外觀千古輸贏爭一著百年日月走雙丸何時
南望烟塵淨風雪連天正渺漫

寄懷清湘

藥臺瀛海各天涯苦憶階前姊妹花數載盟心投氣味一
從分手換年華雲箋屢寄相思字月地難邀訪舊車賸有
翠微軒詩稿

卷一

二

癡情消不得望窮紅樹與蒼葭

人生難得是知音睽隔芳容思日深畫到芙蓉憐共命夢
爲蝴蝶亦相尋乍醒猶戀超凡影久別方知感舊心珍重
國香須自愛異苔有日卜同岑

哭笙姪女

一紙書來未啟緘持封猶自禱平安誰知已逐春冰化腸
斷燈前不忍看

生性聰明最可憐何堪紫玉竟成烟回頭往事渾疑夢淚

灑東風變杜鵑

記得河干判袂時
牽衣絮語淚絲絲
怪儂渾不知
先懺竟說今生少會期

昨宵得夢覺非祥
蘭蕙無端竟萎霜
豈料果然爲汝返
魂何處覓奇香

小謫塵寰僅十春
曇花空現利那身
而今解脫依王母
慧業前生定有因

異地魂難翦紙招
弱齡詎識路迢迢
光陰轉瞬清明近
厄

翠微軒詩稿

卷一

三

酒臨風爲爾澆

讀桃花扇傳奇

鶯花窟裏帝王家
樂境渾忘日易斜
一曲深宮歌燕子
隋堤楊柳正飛花

清議紛紛起禍胎
闔兒得志氣如雷
秦淮夜半燈船歇
餘黨重收復社來

烽火綿延遍九州
倉皇避亂一身遊
重來不見佳人面
寂寞東風鎖畫樓

漁樵舊夢醒揚州說到興亡淚欲流休向秣陵回首望銅
駝荆棘故宮秋
南朝多少興亡事都借雲亭妙筆收一種傳奇千種恨桃
花零落水東流

送蘿洲兄應試

此去雲鵬萬里程行看振翮起家聲登科早遂澄清志莫
把先鞭讓祖生

雁聲嘹唳各西東入耳離人感倍增怕憶明宵當此候客

翠微軒詩稿

卷一

四

宿孤影翦秋燈

菊影

捲簾相對悄無言何事離披上粉垣松徑移來秋有跡
離隔斷月無痕神傳漱玉詞人筆夢幻柴桑處士魂問答
應同花解語忘形伴爾度朝昏

對菊懷清湘

東籬把酒強爲歡獨對南山思渺漫記得聯吟蹊徑畔折
來分插鬢雲端譜成定咏新詩賞簾捲誰憐瘦影寒收拾

落英交驛使當梅花寄與君餐

水仙花

渺渺一仙姝盈盈步塵境微月照低徊澄波涵素影自從
海上歸漢臬遺佩冷清魂化此花豈與凡卉並獨懷泉石
心雅稱歲寒景相對靜無言瑤琴彈夢醒

煮雪

紅爐初熟品旗槍六出紛飛茶事忙火候未看翻蟹眼涼
痕先覺沁詩腸入瓶花氣融春液沸鼎松風瀉冷香消渴

奉徵軒詩稿

卷一

五

最宜殘醉後一甌時對玉梅嘗

送蘿洲兄之保陽

臘盡無多日何堪又遠行兵戈正滿地風雪况長征滹水
縈懷迴燕雲繞夢清歸期須早計應念倚闌情

留別琴卿二嫂

繡閣相隨二十春趨庭侍膳共晨昏同心語勝芝蘭氣知
已情逾骨肉恩此夜挑燈愁聽雨他時覓句怕開尊感君
無限箴規意說到將離欲斷魂

晨起

晨起慵臨鏡，閉窗曙色微。
夢隨啼鳥散，愁逐落花飛。
時節看頻換，行人尙未歸。
遙憐驛路柳，霏絮點征衣。

渡滹沱

驅車北向渡滹沱，流水年華感逝波。
惆悵臨風一懷古，青
青宿麥滿長坡。

憶同大母共南轅，往事依稀欲化烟。
十四年來重過此，春風回首淚潛然。

翠微軒詩稿

卷一

過安肅

返照餘光散綺霞，長亭流水咽琵琶。
寒原一望平於掌，日影蕭蕭見葦花。

初至居庸

天險何年闢翠螺，鑿輿想見昔經過。
山連上谷秋聲壯，地近盧龍朔氣多。
曲澗成羣嘶牧馬，危巖作陣走明駝。
時情不用防邊戍，裕

國長輸例稅科

感懷

本自愁腸結况兼離緒侵思親時有淚聽雁更無音
兵火家書貫關山客感深浮生空碌碌莫慰倚閭心

初度寄懷諸兄

又負春風廿四番回頭舊夢總如烟持家作婦憐今日
學禮趨庭憶往年繞屋梅花香似海透簾歌管韻疑仙
燈前戲綵看兒女賸有離情分外牽

阻跡雄關欲盡頭言歸無計豈遑留雲山重疊家何處
烽翠微軒詩稿

卷一

七

火延綿客自愁入世敢云逃俗累不才偏願附清流
偷閒呵凍吟詩句念及蘭陔筆輒投

宦况頻年類轉蓬又司管鑰萬山中一關冷抱閒於鶴
入口饑驅瘠似鴻酒可澆愁拚盡醉詩緣遣興不求工
北溟振翮輸黃鵠刷羽南天待好風

聚散如雲未忍論驚看歲序欲更新雪中鴻爪思前夢
海內萍踪感夙因逝水年華將過臘離家心緒懶逢春
遙知兄弟圍欒處定爲今朝話遠人

寄外

何事銷魂最魂消遠別離停雲增悵望落月助相思香寂
鴛衾薄宵寒蝶夢遲金錢方罷卜破悶復抄詩

不爲謀衣食嚴冬詎遠遊君雖慣行役妾豈願封侯看劍
心逾壯聞雞志定酬燈花連夜報歸騎莫淹留

屈指幾旬日天長少雁音將穿盼書眼時切望雲心兩地
愁腸結三冬別緒深擁衾眠不得風柝聽沉沈

夢覺疑窗曙開門雪滿山臨風念征客何日唱刀環裘敝

翠微軒詩稿

卷一

八

霜侵骨天寒酒借顏瓊瑤埋馬跡清磬出雲間

謝人畫梅

夢裏梅花見一枝孤山月落曉霜時多君繪出風前影却

付郵筒換我詩

冬月十三常女彌月

鴻泥蹤迹雨茫然彈指駒光廿四年憶我前生眞似夢看
渠小影倍增憐懸弧莫愆高堂望湯餅徒爲此日筵回首
慈闈千里隔離情長繞白雲邊

夜坐偶成

歛枕難成寐，疎燈映畫屏。夜風吹虎嘯，涼月伴人醒。詩境愁中仄，家山夢裏青。望雲情不極，雁語入蒼冥。

雨中作

時外奉檄赴四海台巡緝礦匪

巖居絕俗紛晦明，饒興致坐看白雲鋪。羣山寂如睡，檐前走雷電。驟雨傾盆至，中庭鷓鴣浮。拍手懽童穉，身閒境亦安。悠然滌塵思，嗟彼行役人。長途策征轡，山徑多崎嶇。衣裳苦泥漬，勞動不能分。恨少方輻地，直欲訴真宰。鞭策商翠微，軒詩稿。

卷一

九

羊類驅之萬里行，沈蕩妖氛熾。更願用世者，體此爲霖意。會見海宇清，早慰蒼生企。倒峽勢漸平，蠅螭五色備。林際漏斜陽，遙峰猶滴翠。

家大人謁選入都，由寶坻省墓順道來關喜呈

風塵磨鍊鬢，添絲回首家。山感不支報。

國新猷，誇製錦，趨庭舊夢冷。含飴松楸久，別應無恙桑梓。重來定有詩，自愧伶俜歸未得。鄉雲遙望繫葭思。

丁沽負米記當年，鴻爪匆匆歲月遷。多士規模尊著述，半

生香火結因緣春闈踏蹤名心老冷宦消磨鐵硯穿尤喜
一經能早授承家蕊榜盼蟬聯

會殲巨寇擁雄兵又領花封譜治平秉鐸幾人能御敵分
符從古重專城北門鎖鑰思勲績東郡弦歌溯政聲

祖父宦此

東至今有遺愛焉

料得頭銜他日擢口碑齊頌長官清

忍話經時世網艱向平無計得身閒驚心海內猶傳檄謀
食天涯苦抱關兩地有親垂白髮故鄉何處買青山思歸
翻羨烏衣燕舊壘尋巢任往還

翠微軒詩稿

卷一

十

代柬寄蘿洲兄

聞說蓮花幕倚門校藝初披沙勞五夜刻燭惜三餘燕雀
衡非易珊瑚網莫疎推敲如得暇應寄大雷書

老父逾花甲勞勞走四方官貧家負債愁重鬢添霜養志
慙鳩拙承歡勗雁行書香綿世澤努力愛時光

同氣幾兄弟飄零各一州挑燈思聽雨對月怕登樓骨肉
何時聚兵戈苦未休離情消不得歸雁又新秋

極目滄桑感南天夕照中田廬歸却火親故化沙蟲作受

因難料家鄉信不通何時息
兵革搔首問蒼穹
自住深山裏幽閒似野村
竒雲常繞屋流水鎮當門
地僻官衙靜風清民俗敦
紅塵飛不到何必訪桃源

附宗禹兄和章

天外烟鴻到傳來絕妙詞
開函無俗韻觸緒發清思
月下簷花格風前詠絮詩
長城出閨閣那得不驚竒
畫罷雙蛾筆雕成五鳳樓
仙心容易雜慧業幾生修
玉律輸君健金針度我不願
持交勉意千里質蘿洲

翠微軒詩稿

卷一

十一

恭送 家大人之任粵東

東華羈跡忽經年始見

鸞書下九天白首一官輕
萬里青氈十載比三遷
身棲粵海詩應健路接羅浮
夢亦仙羸得坡公吟興在
飽嘗風味

荔枝鮮

文章早歲冠騷壇仁喜頭
銜換冷官老境誰期逾嶺
嶠詩名天造繼蘇韓半生歸
隱輸彭澤千古從征愧木蘭
此去花田春正好長途珍重
勉加餐

休從宦海感升沉，食祿何方有夙因。
改轍漫嗟遷左秩，出山無計息勞薪。
愁看華髮難爲別，名到珠江那濟貧。
一語臨歧須記取，風波穩處早抽身。

驪歌高唱大江東，百粵遨遊氣自雄。
涉世總能增閱歷，謀生何暇問窮通。
棲遲八口如巢燕，匏繫孤身類轉蓬。
途次平安書一紙，南天早晚盼飛鴻。

送宗禹兄隨任

憶昔天雄別光陰，瞬一年鴿原纔聚首。
驪唱遽歸鞭夜雨，何時聽離情萬里牽。
流連方幾日，別緒筆難傳。

白髮椿庭健，珠江賦遠遊。
勞君侍長路，使我憶羅浮。
骨肉原堪倚，音書莫憚修。
片帆風色穩，指顧到高州。

此去巒臺道，難兄蒞講壇。
共爲羈旅客，權作故鄉看。
力弱謀生拙，家貧菽水艱。
相逢應問訊，爲道勉加餐。

百粵風光勝，繁花四季開。
飽嘗南國荔，好寄嶺頭梅。
湖海增豪氣，山川展驥才。
高堂勞望眼，須早計歸來。

題昌平呂蓮舫刺史捕蝗圖二十韻

蝻子蠶除淨綠何又見蝗田間頻蠢動山徑慣深藏莫慰
循良願時虞稼穡傷嗷嗷悲雁戶默默禱蟲王令甲頽休
緩人丁選最忙溝通濠預掘簿列網齊張遍野金鉦擊連
阡火炬揚焚之光耀赤埋處壤翻黃善撲鞋如掌濃煎釜
沃湯侵陵紛堵禦勦滅比團防惠政昭精白仁心感上蒼
薰風吹陣陣霖雨濯浪浪盪腦蛆羣嘍穿胸鳥集翔氣充
生不憤蟲名氣不憤善食蝗氛沴變爲祥捕逐遵前軌兜擒普化疆
蠅頭俱掃盪蝨股盡消亡紅粟籌官廩青錢罄已囊飲和
翠微軒詩稿

卷一

三

占歲稔樂業喜民康上苑吞堪並中牟異可方繪圖傳偉
績萬口頌甘棠

繡蘭爲外佩

蘭生空谷中托根期不朽君子紉佩之清芬長共守

戊午孟冬得 家大人湘潭九日手書記之

寸函珍重抵南金解釋離情萬丈深遙想蓬窗揮筆際布
帆安穩過湘陰

江湖勝境足勾留垂老看山願竟酬水落洞庭秋色好朗

吟應上岳陽樓

憶母

一葉金風動天涯復授衣露嘗滋弱草心總戀春暉寒暑
看頻換晨昏奈久違日歸空有夢夜夜繞萱幃

憶父

遠宦憐翁老迢迢萬里途暮年還慟子經歲懶裁書風景
他鄉異音客久客疎未知湖海外詩興近何如

憶兄

翠微軒詩稿

卷一

七

驟覺鄉心動霜天雁叫羣乘風來遠渚排陣度秋雲粵海
行中斷燕山序又分銜蘆真遜汝惆悵對斜曛

晚霽

暑雨欣初霽烟巒翠欲流炎消蘇病體塵浥豁吟眸近水
垂虹彩迨山挂月鉤誰家吹玉笛風景似新秋

代外作癸亥仲春同人邀看花以桃花能紅李能白

爲題限七古

東皇作意妝春色豔李濃桃開頃刻淡白嫣紅各鬪妍續

紛陵谷成香國曉日烘花花氣曛紅霞爛熳接黎雲青山
掩映眞如畫蜂蝶聞香也作羣抱關計日慚微吏興來偶
著遊山屐張周與博結同心攜樽共踏尋芳迹我住雄關
近十春眼看桃李幾成陰花開花落東風裏坐惜流光老
壯心看花憶昔偕同伴春風歲歲同人散敬亭踪跡轉何
方午橋別後音書斷鷓鴣爪東西各渺茫看花再到賸劉郎
萍踪遇合渾疑夢今再相逢又舉觴飛觴斜月已東昇追
歡感舊不勝情醉來欲共花相語桃李無言各自榮

翠微軒詩稿

卷一

五

讀沈芷香夫人感懷詩題贈

沈西雍先生文公子

早飲咏絮慣趨庭家學淵源見性靈手把新詩親浣讀恍
如林下挹芳馨

一編冰雪出新裁萬斛詞源筆下來贏得千秋傳絕調甘
將庸福換清才

茹蘗和丸漫自傷鳳毛繼美擅文章他年鼎食尋常事天
意終教蔗境償

大廈全憑一木支高風想像歲寒交炎涼世事滄桑感洗

盡人間粉黛詩

研史鏘經寫正聲天機不是小聰明少陵格律青蓮筆多

少江山助得成

僻性耽吟近卅春自披雅什滌根塵瓣香倘許依紗幔願

向天涯結比鄰

題范信生監水圖雅照

止水如鏡明毫髮無隱匿明鏡有時昏止水常湜湜豈無

莊老流相忘守元默豈無豪華子玩弄快胸臆先生抱道

靈微軒詩稿

卷一

六

心殷勤述祖德披圖見真吾得失參消息坐石臨清流鬚

眉勤省識心清如水清淵源不可測念茲釋在茲勉勉永

無極

題昌平呂蓮舫刺史捕蝗圖代外作

今年捧檄來昌平循良之吏見呂公和衷共濟掘蛹子心

心相印將毋同斗蛹易以米一斗黃髮蒼髻竟奔走以工

代賑古法良除民之災餽民口旬日蛹子堆成山或春或

撲須臾間餘種更以卑炎火使君宵旦懷痾癢天鑒誠心

降霖雨八蜡神靈齊伐鼓收拾遺孽無一存禾稼芄芃生
淨土吁嗟乎捕蝗之弊傳有唐官符如火催下鄉鶩鴨旣
盡田苗荒吏胥擾擾紛如蝗使君仁心常鑒此民困奚容
吸骨髓輕騎滅從周四封不飲鄉間一杯水我聞中牟不
入境投海化蝦存善政古人成績今人追繪上新圖互輝
映菲材佐治愧鉛刀但竭誠心敢告勞公名高列循良傳
驥尾應容附我曹

正月十三日偶成

甲子

翠微軒詩稿

卷一

十七

饑歲渾如昨春風已隔年長時徒自惜久病倩誰憐雪影
燈初試雲光月欲圓歸途滯何處夜夜卜金錢

正月接家書知

大人安抵欒城喜而作此

年來出險幾如夷別後頻牽萬里思今日還鄉仍是客開

山喜極淚翻垂

經時二豎久纏身十載離家苦憶親他日承歡雙繞膝轉
愁難慰白頭人

寄諸兄書題後

東風何處來吹我夢中路彷彿聞人聲全家忽相遇雙親
撫我笑雪鬢同皤然投懷效兒戲恍若十年前諸兄攜我
手問我歸何遲別來數年景過眼如斯時翩翩衆仙侶栩栩
開心顏繞屋梅花香知自羅浮還幻境本心生樓閣憑
空現上有新添人眉目何能見心緒紛如絲欲訴無從剖
會當問家人此境真同否想像藥臺雲還照薊門月縮地
有神方關山久飛越宛轉讀家書筆澀墨痕凍絨取燈下
光題詩寄君夢

翠微軒詩稿

卷一

六

甲子暮春省親都門

楊三世嬭王宜人招飲賦此

誌謝

瑯琊古郡鍾靈秀大家淑德芳堪漱一見傾心林下風闈
閣儀型推領袖記從冷宦結通家幾度隨親侍絳紗萱閣
圍爐時煮酒槐陰清話每煎茶歡娛不覺時光換匆匆袂
向關河判難忘身世等搏沙常把離愁託魚雁風聚萍踪
詎偶然相知已在十年前東華爲祝椿庭健又結閨中半
日緣華堂勝會足風雅琴樽左右共陶寫座中董李各天

人傾蓋談心杯共把回首天雄憶舊游星移物換幾春秋
相看減今朝興坐少萱幃淚欲流于歸人住深山曲聽
雨看雲耐幽獨自憐相隔等雲霄何意西窗重翦燭翦燭
談心夜漏長前踪後會兩茫茫人生離合真如夢難得花
間且盡觴飛觴同愛春光好素心互印期常保流輝逝水
暗催人一度相逢一度老撫今感舊黯銷魂別緒如絲忍
共論投詩未敢言瓊報留作他年雪爪痕

歸途口占

翠微軒詩稿

卷一

十九

恐作傷心語臨歧悔別輕孀憐慈父意友愛長兄情折柳
更何日浮萍託此生昂頭視鴻雁奮翼起遐征

留別疊翠山

十年相對久送我若爲情雨過看風色春來聽鳥聲眉痕
分鏡翠宦味比泉清此後書窗下相思空月明

跋

抒寫性靈清新俊逸的是咏絮才華亦吾 師家學淵源

故有此不櫛進士也 內子 昔在天雄與宜人時相往還諗

知內則素嫻莊靜賢淑足資閭範觀思親憶家諸作可以

略見一斑矣密雲任式坊拜跋

翠微軒詩稿

跋



御長一...

賦而取素...

效百拙不...

...

...

翠微軒詩稿卷二

遷安高順貞德華

贈外

歸君近十年琴瑟諧佳耦清夜戒鷄鳴最君慚益友時難
愁祿養抱關薄升斗今子將出山心知語難剖敬爲書管
見君其擇可否四海尙燼燼勞民事奔走既苦差役煩生
業焉能厚或構雀鼠端終歲羅枷鈕盡傾比戶資飽侵胥
吏口所賴長官賢庶各安農畝婦子同欣欣歡樂逮雞狗
翠微軒詩稿

卷二

一

拯民如拯溺臨淵急援手教之誠務本孝弟其爲首慎哉
作牧難民生關國久願子裕民財勿爲兒孫守

驅車過大田永晝日當午憫彼田中人耘作何辛苦春耕
方播種鋤苗需夏雨秋風禾黍登輸納入官府不辭力穡
勤免受催租侮何故華堂中日夜事歌舞閒坐雜俎優歡
宴聚朋伍酒盡付纏頭青蚨那能數使君戒奢華萬民快
瞻覩君或理一邦揮金休若土白頭親已衰黃口兒待怙
薄俸能幾多瞻家猶不補民間汗血資忍更相剝取青樓

一夕歌中人產一戶願子識財難毋爲顏色蠱

乙丑五月移居昌平喜雨

橫空白雲頽衆峰皆隱伏跳珠碎萬籟撼我如舟屋低檻

轉奔濤垂檐走湍瀑賴茲虎骨投驚起蟄龍宿

時方祈雨

遲苗

庶有濟節逾播早穀側聞東岱間羣凶正馳逐飛蓋隕當

營戰伐方野哭

閩邪抄逆匪竄擾山東僧王陣亡

稽首禱阿香霹靂疾推

轂倒峽挽天河一爲洗兵鏃懸知戍與農同此快心目膏

乳滿溝畦赤子瘡瘼復久病怯炎歊清涼實錫福開軒理

翠微軒詩稿

卷二

二

素琴絃澀曲難熟昂首視征鴻飛鳴去何速十載守薊門

幽居窈深谷暑雨滴烟巒澗流勝箏筑螺髻當戶峙秀奪

人膏沐韶光恍掣電妙景失飄倏移居儼夢中空庭敞平

麓新種豆沿籬秋花或可卜興至不自禁塗抹動盈幅莫

名造物功且尋書飽讀時送好風來田歌雜樵牧

途中卽目

奇雲歛盡敞遙空莽莽平蕪入畫中剝雨琳宮黯金碧迎

霜柿葉間青紅饑鷹怒掠高原草牧馬驕嘶大澤風懷古

蒼茫無盡意夕陽低映水流東

又

侵曉聞鈴語輕車古驛中凝霜天氣白浴日海波紅沙積
龍堆雪秋高雁陣風野田遺石在射虎憶英雄

黃台夕照

遷安八景之一

日薄衆峰低紫翠變俄頃返照上孤亭空山荷笠影

峽谷影龍

峽口影蜿蜒潛形閱今古何不挾風雲與世作霖雨

翠微軒詩稿

卷二

三

冷口溫泉

昔重華清池今出冷峰口合配湯盤銘一洗衆生垢

獨木仙橋

試問洞中仙何年置丹竈採藥示前山時踏長虹到

觀音庵

曲徑達禪境松陰補石苔泉聲導塵去山色破空來花雨
諸天象鍾魚說法臺茲方離五蘊無處著纖埃

曹墨琴夫人墨蹟書後

集開淵雅觀瑯編跨虎人歸韻已傳今日鷗波亭子外又
瞻筆陣墨華妍

端莊流麗總清華翰墨林中數大家自笑臨池將半世曾
無妙格仿簪花

中秋後外子扶櫬旋里書此誌別

置足無錐地全家等斷期安營兆穩敢怨別離輕愧我
機絲短憐君宦橐清時聞征雁語風雪若爲情

客况知君慣中年繫我憂星霜催鬢髮負荷重山邱勝事

翠微軒詩稿

卷二

四

浮雲影歡場聚水漚相期崇儉德努力紹箕裘
歧路無多囑長途慎保身廿年遊倦客千里獨歸人寒暖
誰知已艱難仗所親春江潮信早珍重附雙鱗

先嚴週忌誌痛

一自蒼天降鞠凶光陰瞬息又隆冬春秋空展墳前拜色
笑惟瞻夢裏容插架圖書恚物在當門凡杖賸塵封成仙
成佛真何據誰叩磬城問去踪

紀夢

何事慈懷繫連宵入夢頰全忘生死隔祇覺笑言親矮屋
沈梁月殘缸泣鮮民自憐身世累難慰夜臺人

題畫

柴門斜隔水迢迢一樹橫鋪勝小橋折得溪蘆歸正晚月
明牛背學吹簫

送宗禹兄赴廣東

遺愛應存粵海涯喜看小阮竟承家他年上考書循績好
種河陽縣裏花

翠微軒詩稿

卷二

五

無多荆樹况分栽愁對將離次第開何日一堂重聽雨西
窗翦燭待歸來

龜勉同心抵孟光蘭脩代子奉高堂宦成早蓄還山計莫
戀花田遠故鄉

文鴛比翼久分飛海濶天長信亦違誦到蓼莪餘病骨憑
君傳語寄當歸月村時客恩平

壽史太夫人

瑤池桃熟綵雲縈壽母徽音重一生何止宜家稀淑德早

聞潔鑄著賢聲菴菴節清風峻綽楔旌門
湛露榮浴佛良辰開八袂瑯琊仙樂滿蓬瀛

茹蘗含冰數十春承歡膝下有傳人脫身簪紱晨昏慰養
志林泉歲月新諫果回甘娛老境蓑衣戲綵樂天真期頤
預上南山頌福壽能兼總夙因

頻年海幄鶴添籌懿訓常垂世澤留家有文孫能繼武人
欽大母善貽謀鳳毛延譽名超謝

鸞誥承恩德報劉燕喜應占書上考陟縣第祿奉千秋

翠微軒詩稿

卷二

六

無才愧我託粉鄉遙望慈暉仰義方孟母斷機成宿學范
家貽硯迪前光瞻將翠柏凌霜健詠到金萱愛日長猶幸
溯洄非遠道介眉攜酒願登堂

書懷

寄食又經歲流光轉易過有兒徒索粟無屋可牽蘿身世
耐浮梗年華感逝波朝來明鏡裏青減鬢絲多

悼小泉兄

商飈一夕變中秋難覓生香到十洲佳節何堪成永別

光添與一家愁

天道難云藥餌，誣病源至死，尙模糊知君結習消除盡。直
到彌留一語無，人言而後信，人言而後信，人言而後信，人言而後信。
伯道無兒最可傷，盡棺身後太淒涼。七齡繼嗣麻衣短，苦
把熊丸累孟光。人言而後信，人言而後信，人言而後信，人言而後信。

漫祝修文上九天，敢期成佛與成仙。願君再世仍兄妹，留
補今生未了緣。人言而後信，人言而後信，人言而後信，人言而後信。

身家百計替經營，一度追思一淚傾。休戚相關生死係，哭
翠微軒詩稿

卷二

七

君何止弟兄情

痛絕同袍又夜臺，沈憂百疾更誰哀。九京倘得長依聚，寄

語庭幃我欲來

手澤猶存助我悲，遺編檢罷涕頻垂。他年東閣妝臺畔，斷

紙零箋輯者誰

哀辭錯雜不成文，寫向靈前藉火焚。當作郵籤傳竹報，平

安兩字可知聞

過前庭

棠梨落盡柳飛絲花下聯吟憶昔年
書卷生塵琴在壁更無人坐小窗前

記消長日賭楸枰滿地槐陰夏氣清
時有鬪禽檐際墜尙

疑花外落棋聲

留別家人

維持數載感情深潭水桃花誼轉真
此別偏逢明月夜再來須待隔年春
相思且盡杯中酒後會難憑病裏身
咫尺天涯稀把袂平安勤與寄雙鱗

翠微軒詩稿

卷二

八

昌黎道中柬外

極目郊原潤藍輿趁曉行
遠山環郭峙古木抱村生
海氣連雲潤沙田積雨平
無才慙佐治入境畏官聲

邑屬韓公後遺型萬代觀
士敦文定富民樸政宜寬地勢

雄堪鎮嵐光秀可餐

用放翁句

高風與形勝瞻仰藉微官

萬井人烟集相看等一家
察情周疾苦問俗到桑麻
吾道誠能盡民生自有涯
蒲鞭雖示辱黎庶莫輕加

折獄須仁術如山案定時
是非容已判得失有天知
此俸

能無愧斯民未可欺願君常懷念止水寸心期

卽景

自別居庸路常懷疊翠山三年住陜邑百夢繞雄關忽覩
潭邊影重開鏡裏顏白雲如解意飛上兩峰間

夜坐

夜靜聞疎雨輕寒覺驟加秋心澄似水詩骨瘦於花遣睡
聊繙史清吟試煮茶惟憐籬畔菊忍凍傲霜華

琴韻軒偶得

翠微軒詩稿

卷二

九

也闌琴軒學種花涓埃同未答

皇家病軀敢視民情緩日誦雞鳴最早衙

長案均排筆墨丹標題應識弊多端到銷兩字成陳例第

一籤差察役難

官厨魚肉進隨時未必烹調味定宜終勝田家糜粥奉何

曾下箸莫遲遲

幕僚落落兩三人相助他山誼最真契合終須賢地主休

將寒煦異周親

愚氓雀鼠構爭端閃爍情詞喻解難莫倚桁楊能用猛庭
前常作子孫看

早識瓜期在眼前既膺民社敢安然青山負郭渾如笑相
對猶餘半月緣

呈 焦桂翁世丈兼酬感懷先君元韻之作

記侍椿庭日傳聞化雨行樽前論老輩詩裏識先生名望
高南斗文衡持北平臬比推首座多士載歡聲

得失尋常事知公亦達觀先生前因部議去官主北平書院時艱臣力困

翠微軒詩稿

卷二

十

命在

主恩寬舊社梅堪賦

在津結梅花詩社先君預焉

高懷菊可餐料應添

著述猶覺勝居官

聽鼓慚微吏浮萍轉當家棄書研律令學治辨蓬麻別夢

常天際秋心在水涯幸依仁宇近策勉望時加

五字頒新詠臨風雜誦時交深卅載見誼重九京知肝胆

詩猶露頭顱雪漫欺一彈流水調存沒感心期來詩離離悲宿草白

髮爲君加

冬間

坐久爐香散房櫳似水清窗虛風借勢人靜月含情斷句
繙書得新衣翦燭成來朝知雪意飛雁度先聲

春陰

啟戶迎晨爽花光潤遠岑春遲連夜雨寒釀詰朝陰市靜
低珠價泥輕稱燕心石欄憑眺處幽興寄清吟

送月村奉調回省

芰荷香裏拂征輪無限離情上酒樽輪與田家饒樂事一

翠微軒詩稿

卷二

十一

犁膏雨課兒孫

何來薏苡擬明珠謠豚彘他衆口誣兩袖清風一片月印
將心跡在永壺

得外書戲寄

冒暑奔馳底事忙風塵贏得鬢蒼蒼虛名祇益天公笑卻
倒銀河爲洗裝

行裝盼到郇泥途旅店清樽酒漫沽簾內琵琶簾外雨夜
深消得客愁無

糊窗

一色雲光膩新裁護碧櫺添將虛室白隔住遠山青映日
宜書案籠花勝畫屏紋紗來歲補翻覺太空靈

秋暮感懷

薄暮西風緊霜催九月天囊空猶買藥衣冷待裝絲生計
憑誰問浮踪漫自憐尙餘身外累兒女在燈前

庚午初度

雙雛繞膝小團欒客裏愁心強自寬避世情懷聊習靜未

翠微軒詩稿

卷二

十一

秋蒲柳已知寒一身多病歡容少四海無家退步難天末
獨留修竹倚年年常此報平安

贈荔香

憶我歸甯六載前添香爍茗北堂邊今朝送爾宜家去回
首庭幃意惘然

頻年曾代浣淄塵贈到將離也愴神解識持家爲婦道挽
車提甕要師遵

明眸翦水鬢堆鴉卻扇人看衆口誇不數天桃能結子春

光先到早梅花

佳期十月杪

荆釵裙布意安和莫向侯門豔綺羅
試上田疇高處望鄉村終古綠陰多

燕

華堂雙海燕憐爾歲依人寄食猶偕侶
銜花解惜春慣窺珠箔影長惹玳梁塵
不覺秋風及相看奈客身

輓環姪女

矢特相看僅數齡他生未卜畢今生
開函重觸存亡感二

翠微軒詩稿

卷二

三

十年前姊妹情

無端惡疾苦相侵以心疾終雪涕何堪到老親
更有嬌癡兒女

小爭教奉倩不傷神

記從遠嫁適藥臺懷抱思歸鬱不開
地下相逢應一笑重

幃鶴馭竟先來

形容幾載隔天涯小夢惺忪聚碧紗
怪底驚人風雨急吹

來遠信隕曇花

燕子

夢閒壓線對春暉喜聽烏衣社後歸莫傍朱門徒刷羽雲
霄有路望高飛

寄宗禹兄書題後

活活聞流漸東風初解凍河中雙鯉來嶺外尺書送緬懷
同堂人卓犖才殊衆弱冠據文壇延譽名超鳳中年宦粵
海美玉加磨礪官卑氣不降識高言易中五載隔參商一
百披霧崧臨風三復後作答趁燈空親飯雖未加子書漸
能諷持慰羈旅思較勝還鄉夢

翠微軒詩稿

卷二

十四

李廣石

怪石負嶠疑虎蹲將軍行獵出塞門草豐原野盤馬疾烏
號應手山靈奔平明請視石宛在鷲翎收入青苔痕精誠
所貫堅亦破狼牙直被於菟吞猿臂挽強世無偶至今佳
話留乾坤鎖鑰倘使當一面邊防砥柱長城存徒聞臨軒
愼老將封侯不到漢寡恩數奇曷遭醉尉罵黃沙絕漠沈
忠魂我來憑弔重懷古功名成敗何足論柳營遺蹟不可
覩但聞朔風怒吼吹雲根恍惚傳百世生氣足土花班剝誰

敢捫交得媧皇補闕手鍊爲猛獸司天關

杏花下感舊

雨聲一夜將春絢催得枝頭深
色變粉蕊含烟破曉風輕
霞轉借朝陽烘看花憶昔
居庸住茅檐長有青山護
芸窗乍拓百合薰花林缺
處奇峰露陽坡高占迎春
先落燈節後山桃然山桃
未謝杏蕾結棠梨樹繼堆
香雪石澗流泉爭筑鳴松
濤柳浪撓啼鶯畫家總擅
徐熙筆難仿春山淡冶情
十年消盡看花福鵲巢那
更遭風木海風吹我落令

萃微軒詩稿

卷二

五

支客中偏惜韶光速回頭舊夢等浮雲
虛名徒在實何補
澆愁漫仗酒盈樽解語應憐人寄廡
今歲春寒花放遲插
柳已過清明時花間悵觸前塵感訴與
東風恐未知

梁氏雙烈行

有序

孝烈文姓梁靜海人世居獨流鎮父鳳翰舉進士
仕永平府教授母氏趙文生有至性嫻禮讓母病
晝夜侍藥餌及卒哀毀不欲生母遺三子皆幼女
訓養周至父時未第授徒於鄰邑咸豐三年九月

病歸將屬纊矣女涕泣守之數夜不寐時粵西賊李開芳等率衆數萬渡河北犯所過州縣望風而靡既陷靜海獨流鎮濱運糧河賊築壘爲持久之計方賊未至鎮民相率遠避女外祖亦以車遊女病不能起請女行辭曰父行亦行父死亦死棄父獨生此心何忍固請之終不去未幾賊至家虜掠日以千計女懼爲賊所辱匿空室中乘間取剪刀刺其喉不死又自戳其胸血殷襟袂猶不死半夜出泣語父曰兩創不死可奈何父哭不成聲顧有曬衣繩曰是可以畢命矣向父再拜縊於別室年二十一賊至歎曰烈女也爲覆其面明年正月賊去始葬同治六年事聞於

朝旌表如例先是女有妹適張氏十月而病卒女哀麻號哭三日謂家人曰有兄嫂事舅姑我可殉矣止之不及仰藥死時稱梁氏雙烈女

黑雲幕天塵蓋地獨流鎮前騰萬騎一片刀光掩日光蜂

擁粵西賊匪至臨危致命出純臣
踴波蹈刃皆成仁異哉
闈中雙蕙質見義勇決能忘身條
山蒼蒼靜海綠靈毓婢
娟孝且淑母教從知四德兼家世
淵源出望族嚴君雅抱
伯鸞才燒尾龍門待浪催羽書未
發木蘭歎雀屏已爲緹
榮開春暉欲報沈淵速寸草心灰
杜鵑哭失恃弟幼僅數
齡身任提攜與撫育那堪風鶴警
深秋兵氣長虹亘不收
二監無端頰作崇椿庭抱恙幾時
瘳外家宅寄桃源濶安
車屢逐情難奪人拚事極化沙蟲
爭忍背親成獨活升堂

翠微軒詩稿

卷二

羣盜集如麻搜括驚聞耳畔譁豈
爲勲名垂竹帛方教熟
血濺桃花疾風凜凜燈明滅牀前
再拜詞嗚咽繡剪剛迴
頸上魂長繩又挂心頭鐵人生自
古此嚴關山岳鴻毛頃
刻間芳徽但使留青史浩劫何須
惜玉顏先行有妹重泉
伺飲鳩早畢共姜志烈魄相逢定
莞然不下人間兒女淚
機槍淨掃

天威尊建坊先後蒙殊恩特書孝
烈春秋筆竒事爭傳萃
一門投江曹娥會殉父衛女就喪
身得主今日居然觀二

難高風韻頌同終古環珮珊珊若有靈歲寒松柏想儀型
祇今沽水生蘋藻留與千秋薦德馨

題秋釣圖卽用元韻

垂楊夾岸水光連一碧清波影接天知有人家然楚竹隔
林彷彿露炊烟

月下獨立

秋分纔幾日霜重覺衣單節候炎涼異人情去就難草間
蟲語碎雲外雁聲寒獨立西風裏茫茫感百端

翠微軒詩稿

卷二

七

燈

寒檠當斗室一穗耿宵深花助蘭膏豔光疑玉漏沈關山
兒女夢風雨弟兄心相對情何限疎窗伴苦吟

立春日作家書寄外東光署

大地青陽轉條風應候新農心盼宜穀入日恰逢春未啟
龍蛇蟄先施草木仁葭灰飛隔歲萍跡判茲辰宦海升沈
事浮家去住因謀生羨鴻雁緘恨藉魚鱗蘇蕙廻文體秦
嘉人客身感時增悵望惜別任艱辛聽鼓隨轅後看人作

郡頰旅懷半珠桂鄉思豈鱸蕪才質輸長線官堦儼積薪
但期梁案重誰恤阮囊貧翦燭論詩夜啗杯話雨晨前途
宜自愛舊夢未全泯祇願民情樸休誇吏績循癡雲出岫
懶遠志入山真此際羈官閣行當返析津班荆到孔李傾
蓋抵雷陳爲卜門投轄從知榻掃塵東郊勝車騎北海集
朋賓暢飲剛宜卯和衷定協寅平安書絲勝臨穎意難伸

呈史香厓先生

海內聲華八軼倫手提鄉序愛才真韓蘇品望靈光峙灑
翠微軒詩稿

卷二

五

洛薪傳道氣純萬卷名山能壽世一時大雅仗扶輪儒林
共喜增佳話煦徧和風有郟春

青綾幃捲拜儒師愧荷斯文累世知

承示永平詩存
父兩兄暨貞詩均蒙

選錄林下清才輸道韞卷中遺墨感鍾期生叨驥尾名尤忝

詩到龍門句始竒何幸一編貽手澤心香熟罷繫餘思

乾蔭騷壇昔騁雄傾心粉社記推公文扶入代胸羅宿筆
架千秋氣吐虹將母園林輕大隱采詩朝野羨高風知君
亦切人琴感無數涔泥印雪鴻

名園有約憶前秋花下開樽願未酬

會約先君遊園因疾未果

緣淺豈

期成隔世病餘猶自惜清遊思親意冷詩慵補愛客情殷
轄莫投知有巨卿高誼在鴻文惟乞闡泉幽

治盜

吏民美聽斷動援召伯棠古人已不作餘子何足方心誠
政自實豈望名譽彰譬彼耕與耘除莠而安良孰謂風霜
冽大道回春陽不見水波柔積澍亦須防雷霆和雨露中
有日月光三復子產言懷古徒徬徨

翠微軒詩稿

卷二

三

菊

鉛華洗淨愛秋魂陶徑新移玉一盆別有精神超眼界肯
容霜雪壓塵根羣空老圃餘風骨伴對疎燈現月痕寄語
高人休送酒天涯離緒滿金樽

...

...

...

翠微軒詩稿卷三

遷安高順貞德華

遣興

綴浣塵襟滌維摩示疾纒垂簾明月退展卷妙醫來守拙
吾知命匡時世有才青蟲相對語離畔幾花開

治獄

大府際

聖世力振頽惰風縣頒平頭格朔望填過功考語勤勤慎
會計期年終求治意愈切掩瑕取智愈工鞠姦實諱盜鞠關
翠微軒詩稿 卷三 一
將格充是非慣倒置朱碧相淆蒙時恐吏不文搃稿蓮幙
中援例別出入一字差異同殺人憑片楮不見刀光紅官
符勝星火民命非草蟲焚香對北斗各拊區區衷

清晨呼囚來上堂云點解塵垢黃髮枯日炙紅衣敗枷鎖
聲銀鐺環跪堦爲隘招房讀前狀瀉若瓶水快官耳雖聰
聰囚心實憤憤無乃平生魂都緣三木德臨行重叮囑勉
應不敢懈十步九回頭情似癡官解明知去不返躊躇足
懶邁其如先死鬼久候閻羅界寄語世間人勿爲償命債

野望

惠風被蕙柳春意透溪烟近水雲根活承橋石溜穿人來
孤嶂外鶩起落霞邊不盡郊原景題詩意請然
近郭垂楊晚茅茨覆幾家牆低時過蝶離鞞半欹花懸葉
春酬繭分池雨漚麻熙風遺太古城市抵天涯

山行

石勢參天陡危巖曲徑開螺椽旋樹轉馬足拂雲來突兀
撐詩骨嶮崎聳霸才芙蓉真戍削應倩五丁栽

黃昏

圓月窺人薄似冰牀前雲母瘦堪憎多應小玉催茶去已

翠微軒詩稿

卷三

二

下重簾未上燈

寄王宜人

回首春明判袂晨別來幾見草如茵癡情擬化羅浮蝶時
向華胥訪故人

朔風吹雪惠鴻音秋水蒼葭感燕心欲寫離悰寄鱗素碧
雲無際海波深

奉到瑤華報轉遲全荒家學敢言詩開緘已作移情想嵐
雨青燈落筆時

海棠詞

煙低壓花晝暝枝頭百舌呼春醒昨夜通明達綠草護
香勒勒條風冷驚雷啟蟄花始胎萼點碎綴珊瑚纔東皇
解意助媚娥輕陰日日加滋培半已閒拓墻坳地遺澤曾
經手封植不教定惠占嘉名異種疑從西蜀致文蔭婆娑
覆綺窗垂絲麗品擅無雙中人花氣濃於酒何必花前倒
玉缸惜花生恐玉成烟銀燭高燒照不眠金谷倚嬌塵障
複華清罷浴醉妝妍笑儂自少看花福六年空寄花間屋
肝疾輪囷怕見春閉門却把華嚴讀風光艷極易魂消日
炙胭脂雪欲飄蛛網冑枝張似幙蜂聲圍樹鬧如潮聽說
翠微軒詩稿

卷三

三

春歸客意傷留春無計送春忙飛瓊一去瑤臺晚芳草簾
櫳但夕陽

丁香

珠管綴枝重新晴拆晚烟香濃風拂拂影碎月媚媚倚檻
嬌無語當杯靜可憐怡情相對處莊蝶亦欣然

倚欄

瞥眼韶光換寒暄警客心草痕披宿雨花氣攔春陰谷暖
鶯遷樹庭虛鳥踏琴飛騰生意滿天籟助微吟

花池幾簇傍回欄不植鞋紅植玉盤記取先人當日意特
留清白子孫看

出城書所見

題糕有約踐佳晨露洗秋空氣象新濃淡雲峰皴似畫丹
黃巖樹媚於春稻梁幾處纔登圃簫鼓前村已賽神信是
弛張文武道傾城爭躡陌頭塵

小除夕

逝水流年去然膏惜夜分人情驚臘鼓世態幻春雲鱗雁
三冬渺萍蓬百緒紛啄苔看海鶴俯仰意殊羣

翠微軒詩稿

卷三

四

作家書

星街似水板聲闌清逼梅花夢未安卻憶相如消渴後傲
裘獨禦海風寒

月村瘧疾新
瘥奉差察夜

竹報傳來喜氣加階前又茁小蘭芽臨封掄指重新卜可

得秋闈擢榜花

大兒
應試

仰屋殘年客緒淒債臺百尺更無梯藥爐細撥寒宵火強

把平安炙硯題

示英兒

赴壑餘蛇尾開春逾冠年童心猶放逐文脉欠精研生世

萍浮水時光箭去弦如何同學輩裘馬日聯翩

偶成

禁寒簾幕落燈邊漸覺條風動紙鷓鴣社燕未來花院靜輕
陰做出困人天

偶見

柳花如雪鬧晴空牧笛吹來水稻風坐對黃鸝話疇昔人
家多在綠陰中

遣病

藥裏浮生懶棧心且作家借書排永夕插棘衛低花浣暇

翠微軒詩稿

卷三

五

詩程補眠餘紡課賒驕人三徑外松菊飽烟霞

病起

肝氣輪困病復遲一春強半負花時客懷多畏逢珠價師
倭難通減藥資影瘦怕將修竹倚愁深只任短檠知低徊
斗室翻成笑結習猶存尚有詩

破窗

雨裂冰紋碎疎櫺補未完蠅鑽星孔仄燕寢月光寬燈閃
詩方灑風欺墨易乾撩人塵影外花息透檐端

孤雲

白衣蒼狗外孤影尚遲遲出岫非無意爲霖或待時陰晴
由世卜聚散任風吹莫訝行踪幻須叨日月知

得家信

茫茫宦海問沈浮去住皆成不繫舟弱骨輕塵拚共化人
間無地可埋憂

梓培根堂集感作

欣看遺集啟雕鏤善本麻沙日校讎展卷不禁增僂僂生
平真性此中留

卅年鑄硯鐵空磨未得題名到大羅根抵六經存正味金

翠微軒詩稿

卷三

六

鍼自昔度人多

制藝試帖文法金鍼
均經及門諸士刊刻

未必傳聞盡子虛寒氈閒坐續虞初筆端儘有綱常在軼

事留徵野史餘

雪案鑽研六十春焚膏如覩舊精神棗梨豈必期傳世護

取吉光付後人

望月

月色小庭幽清光已帶秋分來天外影併作客中愁霜露
思何極萍蓬跡共浮靜觀涼意滿桐井耀宵流

題畫

眼明白鳥下汀洲氣濶寥空暑乍收烏柏四圍山一面丹
黃抹出塞垣秋

風稍月影墨光開拔地參天出俊材只恐清飈蘋未動破
空吹作雨聲來

感事

鑄鐵真成錯深縈世網艱臨淵雖守訓洗垢奈求癡仰屋
蘿難補當門蕙定刪輸他鷺幙鳥來去境安閒

七月初六夜得句

殘釭兀對避塵囂客緒秋心兩不聊恠底蕉窗涼似水星

翠微軒詩稿

卷三

七

期又送雨瀟瀟

閱世剛腸賸有癡針樓欲上意遲遲年來覩得團圓破修
到神僊也別離

花燭詞賀明珠姪新婚

三星明啟鞠華天聽奏房中樂一篇從此雲衢攀桂近霓
裳新迓蕊宮僊

姆教曾聞戚御誇定知淑德可宜家鏡臺喜遂桃夭賦燭
影紅搖並蒂花

粧罷堂前斂拜時彩毫初試畫眉宜紅絲特繫貽謀遠蘭

祀明馨慰可知

慶溢重幃屬望深同聲詎止協瑤琴須知戒饕雞鳴早代
補咳華甘載心

遠山宜笑向人青博議秋光護曲屏良夜篝燈防佐讀壓
奩準備十三經

簫聲引鳳下瑤池正是天香結子時預祝來年徵燕早筵
前重賦弄璋詩

書樂亭董孝女事

董孝女居海潯父業農名桂林女生十二已失怙蓼莪一

翠微軒詩稿

卷三

八

慟感路上上書北闕不可作寒窗子影依偏親靜處蓬門
梁積藻德傳里御知名早郭氏紅絲溫鏡臺援求媒灼紛
還來手撒環瑣矢養志自甘荆布安蒿萊華萼連枝少棠
棣門祚單微復誰繼拏將巨任弱軀肩承歡幸有萱幃逮
春把鋤犁秋滌塲半充官租半粥梁晨羞專藉十指力夜
績每竊鄰壁光仰搔那識流光苒母疾難爲羈枕簟嚮盡
沙田易檣材附身經濟殊無忝貧家比葬力不齊停厝牖
下築以泥困極轉成廬墓守露霜顛復恒悽悽風雨維持

幾甘載麻衣淚漬朱顏改借著甯輸鄰女壽守經豈預干

人悔鄉閭率義企高蹤麥舟賻助足樹封歲時祭掃永不
闕爭傳孺慕出龍鍾慎終追遠前哲矩巾幗宗風誠罕覩
北宮之女齊嬰兒萬古芳名同不腐表閭榮荷

天章垂凌霄綽楔光門楣俚歌敬作世人勸生男勿喜女
勿悲年來我歎春暉匿未報深恩辜罔極讀傳興起心肅
然白雲望斷涕沾臆

盧龍郭孝婦詩

塞山峨峨河水瀾瀾人傑地靈清聖所止一解南有喬木

在山之阿惟援惟繫施彼女蘿二解義爲郭妻情猶豈女

翠微軒詩稿

卷三

九

豎雖未合名則已許三解北堂有護西山有蔚浮雲無跟

井水不竭四解既奉盤匱既潔滌灑以養以葬殫茲十指

五解揆厥畸行援義歸仁不屬毛裏純篤天真六解貞女

事夫忠臣委質移忠作孝天無二日七解忠孝遺風倫常

振作景此高山廉頑立懦八解

秋閨雜興

小雨纔添襟袖涼剪刀聲裏漏初長晨興忘卻瓶花綻醞

鴨誰溫隔宿香

藜棗工堅手澤存遺文檢校趁朝曦妃豨恐悞爲罍恥疑

畫重將字典翻

趨庭猶記父兼師插架芸籤任質疑開卷望洋成自歎讀
書深悔十年遲

志乘新編史筆逾名山考獻足千秋藝文遺範先型遠愧
煞聞名傳尾留

無田應免吏催租風雨重陽興不孤深巷打門緣底事謫

僊專使下詩符

謂李晉九徵詩

蟪蛄家居百感併藥爐經卷絆浮生累人塵務猶難了日

日山陰道上行

翠微軒詩稿

卷三

十

布衣浣後夕陽驕漿粉濃鋪杵細敲濡墨臨池偏手顛塗
鴉書蚓適增嘲

女伴爭推壓線功綠窗深鎖對秋風那知蓬鬢梳粧懶甘
把蛾眉讓畫工

同儕菜戲開良宵憑仗殘書慰寂寥不是離羣誇矯俗年
時勝念已全消

畫梁雙燕喜新晴款語如商去住程勝我家歸未得朝
朝仰屋聽雞鳴

試檢靈樞配入珍河魚困食動兼旬鴿原雅荷同堂韻煮

藥然鬚日費神

檢點寒衣寄客邊
秋心熨貼細裝綿
雁聲驚破刀環夢
滿榻西風月正圓

倚竹渾忘翠袖單
頻修雙鯉勸加餐
書來似被燈花笑
又費兼金墨一丸

規唐模宋苦矜持
一字耽吟下筆遲
尋亦不來推不去
能真祇有性情詩

翠微車詩稿

奇三

士

1
50

3

